



## Instrumento den forma di supsidio pa stimulá e partisipashon i mobilitat di trabou na Boneiru

Direktorado Komunitat i Kuido di Entidat Públiko di Boneiru ta introdusí den representashon di señora Diputado S. Janga-Serfilia konhuntamente ku Kámara di Komersio parti di e proyekto "instrumento den forma di supsidio pa stimulá e partisipashon i mobilitat di trabou". Esaki ta kai bou di e proyekto "Guia pa merkado laboral"

### Metanan

- Stimulá dunadónan di trabou pa tuma personanan ku ta buska trabou, ku ta mas difisil pa intermediá, den servisio. Esaki pa medio di un supsidio a base di salario mínimo durante di máksimo 6 luna.
- Krea fasilidatnan pa personanan desabilitá di tal manera ku esaki ta fasilítá i sostené nan trabou eksistente. Esaki pa kontinuashon di nan relashon laboral.
- Ofresé e grupo di personanan desabilitá mas chèns na partisipashon riba e merkado laboral.

### Grupo di enfoke

- Buskadónan di trabou ku ta mas difisil pa intermediá i ku ta registrá na Direktorado Komunitat i Kuido, ku bou di guia ta kapas pa subi merkado laboral.
- Personanan desabilitá.

### Instansianan ku ta bini na remarke pa supsidio

- Dunadónan di trabou ku ta tuma e buskadónan di trabou, ku ta mas difisil pa intermediá, den servisio.
- Dunadónan di trabou ku tin òf ta tuma personanan desabilitá den servisio, pa kua e dunadó di trabou ta perkurá pa èkstra fasilidatnan ku ta sostené e trabou di e persona desabilitá.

### Prosedura pa yega na remarke pa supsidio

Personanan ku ta hasi petishon pa supsidio mester ta dunadónan di trabou establese na Boneiru. E persona ku ta hasi petishon pa supsidio por bini na remarke pa un supsidio den e siguiente kasonan:

- E dunadó di trabou ta ofresé un kòntrakt nobo di trabou pa aloménos seis luna na e buskadó di trabou ku ta mas difisil pa intermediá pe.
- E dunadó di trabou ta firma un deklarashon di intenshon ku e propósito pa ofresé e empleado un kòntrakt nobo despues di e kòntrakt di seis luna .

### ÒF

- Perkurá pa èkstra fasilidatnan pa un empleado desabilitá ku tin òf ta haña un kòntrakt, pa asina sostené e kontinuidat di su relashon laboral.



## Prosedura pa hasi petishon i konseshon pa supsidio

E siguiente kondishonnan ta konta pa e fondonan di supsidio:

- E periodo pa hasi petishon pa e supsidio ta kore di mei 2013 pa sèptèmber 2013.
- Konseshon ta tuma lugá segun e sekuensia ku e petishonnan dreña. Na momentu ku e fondonan pa supsidio keda agotá, petishonnan nobo ku dreña ta wòrdur rechasá.
- Evaluashon di e petishonnan pa supsidio ta tuma lugá denter di 14 dia di trabou despues di a risibí e petishon via di email.
- E supsidio ta wòrdur duna solamente un biaha pa e mesun buskadó di trabou.
- Tin un montante di US\$ 5.575,= reservá pa kada buskadó di trabou, ku ta difisil pa intermediá pe.
- Pa e grupo di personanan desabilitá tin un montante máksimo di US\$4.404,= reservá pa kada persona.
- E persona ku ta hasi petishon pa supsidio ta manda e formulario di petishon huntu ku e dokumentonan nesario via email na Direktorado Komunitat i Kuido na nòmber di señora Yajaira Nicolaas (yajaira.nicolaas@bonairegov.com).
- E dokumentonan nesario pa e petishon di supsidio pa por tuma buskadónan di trabou ku ta difisil pa intermediá pe ta:
  - a) Un kopia di e kòntrakt di trabou pa un temporada di mínimo 6 luna.
  - b) Un deklarashon di intenshon firmá dor di e dunadó di trabou ku e propósito pa ofresé e empleado un kòntrakt nobo despues di e kòntrakt di 6 luna.
- E dokumentonan nesario pa e petishon di supsidio pa por tuma personanan desabilitá na trabou ta:
  - a) Un kopia di eventualmente un kontrakt di trabou òf un kòntrakt di trabou eksistente di e trahadó desabilitá.
  - b) Un deklarashon di e médiko di kùr di ZVK ku ta indiká ku e trahadó ta desabilitá.
  - c) Un presupuesto di e kostonan pa adaptá e lugá di trabou pa kua ta hasi petishon pa e supsidio.

### Pa mas informashon por tuma kontakto ku:

Direktorado Komunitat i Kuido  
Sekshon di Asuntunan Sosial i di Labor  
Kaya Neerlandia 41  
Tel: 717-2211  
Fax: 717-8841